

ISUMALIUTISSIISUT**Aalisarnermut, Piniarnermut Nunalerinermullu ataatsimiititaliap****tunniussaa,****pineqarporlu**

Inatsisartut aalajangiiffigisassaattut siunnersuut Naalakkersuisut peqquneqassasut, aalisarnerup iluani tunitsivinni tunisat tamaasa oqimaassutsinut akigititat ingerlaavartumik saqqummiuneqartalernissaat anguniarlugu internikkut portalimut pilersitsinissamik nalunaarusiamik 2018 ingerlannerani agguassissasut. Nalunaarusiami nalilersuinerit, suliasat pilersitsinissamut tunngasut, naleqqussaaajuarnissamullu aningaasartuutissat ilanngunneqassapput, portali qanoq aaqqissuunneqarsinnaanersoq – kiisalu inuussutissarsiummut tunngatillugu aningaasarsiornermut unammilleqatigiinnermullu qanoq kinguneqarsinnaanera ilaatinneqassallutik.

(Saaq.: Inatsisartunut ilaasortaq, Henrik Fleischer, Partii Naleraq)

Siunnersuutip aappassaaneerneranut tunniunneqartoq

Suliaqarnermi ataatsimiititaliaq kingullermik ukuninnga inuttaqarpoq:

Inatsisartunut ilaasortaq Hans Aronsen, Inuit Ataqatigiit, siul.

Inatsisartunut ilaasortaq Michael Rosing, Attaviitsoq, siul. tull.

Inatsisartunut ilaasortaq Mala Høy Kuko, Siumut

Inatsisartunut ilaasortaq Nikkulaat Jeremiassen, Siumut

Inatsisartunut ilaasortaq Henrik Fleischer, Partii Naleraq

Inatsisartunut ilaasortaq Kelly Berthelsen, Inuit Ataqatigiit

Inatsisartunut ilaasortaq Villy Olsvig, Inuit Ataqatigiit

Ulloq 18. oktober 2017 siullermeerereermermi siunnersuut ataatsimiititaliamit misissorneqarpoq.

Siunnersuutip imaa siunertaalu

Siunnersuutip kingunerissavaa, internetimut portalimik pilersitsinissamik nassuiaammik 2018¹-ip ingerlanerani agguassinissamut Naalakkersuisut peqquneqassasut, internet portalilu

¹ Ataatsimiititaliap maluginiarpaa, taasissutissatut saqqummiunneqartup danskisuuani allassimasoq, nassuiaat agguanneqassasoq "...inden i lobet af 2018...". Tamanna naqinnerlutatut ataatsimiititaliap isigaa, Tassani innersuussutigineqarpoq siunnersuutip saqqummiunneqarnerani piffissaliussaq, kiisalu kalaallisuuani ersarissumik allaqammat nassuiaat 2018 ingerlanerani agguanneqassasoq.

atorlugu aalisarnerup iluani tunitsivinni tunisat tamaasa pillugit oqimaassutsikkut akigititat (kr./kg.) ingerlaavartumik saqqummiuttalernissaat. Nalunaarusiami nalilersuinerit, suliassat pilersitsinissamut tunngasut, naleqqussaaajuarnissamullu aningaasartuutissat ilanngunneqassapput, portali qanoq aaqquissunneqarsinnaanersoq – kiisalu inuussutissarsiummut tunngatillugu aningaasarsiornermut unammilleqatigiinnermullu qanoq kinguneqarsinnaanera ilaatinneqassallutik.

Siunersiuineq

Ataatsimiititaliap siunnersuummik suliaqarnerminut atatillugu Aalisarnermut Piniarnermullu Naalakkersuisoq siunersiorpaa. Siunersiuinermit aggersaassut aamma Naalakkersuisunut ilaasortap oqaatigisassaanut tunngavissiaq isumaliutissiisummut uunga tapiliunneqarput, takukkit **Ilanngussaq 1** aamma **Ilanngussaq 2**.

Ataatsimiititaliap siunnersuummik suliaqarnera

“Nunaqarfinni isorliunerusunilu aalisarnermik inuussutissarsiornermi annertusisamik suliffeqartitsinissamut periarfissat pillugit nalunaarusiaq” (2017, qupp. 11-mi) tunngavigalugu Kalaallit Nunaanni nunaqarfinni isorliunerusunilu katillugit 46-nik tunitsiveqarpoq, taamaattorli taakkunanit 15-t tunisiffiunissaminnut matoqqapput.

Tassunga atatillugu tunisineq pillugu portalimik pilersitsinerup kingunerissavaa, tunitsivinni tamani (ingerlasuni) tunisinerit tamarmik aaqquissuussamik ataavartumillu portalimi nalunaarsorneqartalernissaat, Kalaallit Nunaanni sumiiffinni allani umiarsuarnullu tunitsivinnut tunisinerit aamma nalunaarsorneqartussaassapput. Taamatut iliuuseqarneq tunitsiviup pineqartup namminneerluni portalimut paasissutissanik ilisisarneratigut tunngaviatigut ingerlanneqarsinnaavoq, imaluunniit paasissutissat (assersuutigalugu) naalakkersuisoqarfimmut nassiunneqarsinnaapput, taassumalu tunitsiviit sinnerlugit portalip nutartertarnissaa tamatuma kingorna isumagisassavaa.

Taamaalilluni tunisinermi portalikkut siunertaavoq tunitsiviit akornani unammillernerup annertunerulenissaa, tassuunakkullu aalisartup pisaanut akigititassatut neqeroorutigineqartup sunnuteqarfigninnaanera. Tamatumani paasissutissatut portalikkut pissarsiarisinnaasat qaqugukkulluunniit tamakkiisuunissaat eqqortuunissaallu tunngavigineqartariaqarpoq. Taamaattumik tunitsiviit arlaannit paasissutissanik amigaateqartoqarnerani imaluunniit paasissutissat allat peqqutigalugit amigartutut isikkoqarpata, tamatuma portalip atorsinnaanera allaqqussassaangitsumik akornusissavaa, taamaalillunilu aalisartut tunisaminnik sumut tunisinissamut aalajangiinissaannut portalimik atuisinnaanerat aterusussusiallu akornuserneqassalluni.

Tamatuma malitsigisaanik tunisinermi akititap pingaaruteqarnera naatsorsuutigisariaqarpoq, aalisartulli sumut tunisinissaa pinngitsoorani tunngaviusussaasariaqartutut immaqa

kisiartaasariaqarani. Tamanna ima paasineqassaaq; tunitsivinnut ataasiakkaanut tunisinermut atatillugu aningaasarsiassat taarsiissutaasinnaasullu allat (assersuutigalugu tapinik aaqqissuussinerit, taarsigassarsinissamut periarfissat il.il.) ilaatinneqarsinnaapput, tamatumanilu tunitsivimmut tassungarpiaq tunisineq annertunerusumik annikinnerusumilluunniit iluaqutissartaqarsinnaassalluni.

Tunisinermi akitigititamut tunitsiviit assigiinngitsumik akissajaateqartarnerat qularnanngitsumik aamma isiginiartariaqaqqaassaaq. Ima paasillugu; tunitsiviit (assersuutigalugu) innaallagissamut imermullu aammali toqqorsiveqarnermut assartuinernullu aningaasartuutaat tunitsiviit nunap immikkoortuani sorlermi inissisimanerat qularnanngilluinnartumik apeqqutaalluni nikerartussaassapput. Illoqarfinni isorliunerusunilu tunitsivinnik pilersitsinermit ingerlatsinernullu kiisalu tunisat nunami umiarsuarmulluunniit tunitsivimmut tunineqarnerat apeqqutaalluni akissajaatit taamaalillutik assigiinngisitaarsinnaanerit naatsorsuutigisariaqarpoq. Tamatuma saniatigut sikusartumiinneq unammilligassaassaaq pissusissamisoortoq, tunitsiviimmi pilersorneqarsinnaanerannut kiisalu tunisassiaminnik tunisaqarsinnaanerannut sikuunera sikulluunniit peqqutaanerit aalajangiissuussammat.

Qanorluunniit pisoqaralarpat, tunisinermi akigititap tamanut saqqummiuttarnissaata soqutiginarnera aalisartut tunisinerminni allannguissamut pissusiviusutigut taamaallaat periarfissaqarnerat apeqqutaalluni tunngavilersuutaasinnaavoq. Tunisinermi portali pissusissamisoortumik atuutissappat, aalisartut taamaalillutik pisaminnik sumut tunisisarnissartik namminneq aalajangersinnaasariaqarpat. Tamanna sumiiffinni tunisinissamut killilimmik periarfissaqarfiusuni immaqa periarfissaanngilaq, kiisalu tunisiniarluni qanoq isorartutigisumik angalasinnaanerup imminut akilersinnaanera pissusissamisoortumik killiliisuussaaq. Tamatumanittaaq ilimagisariaqarpoq pisat sumut tuninissaannut imminnut akilersinnaanerpaq kiisalu tunitsivinnik ingerlatseqatigiiffiit sorliit akimik naammaginarnerpaamik neqerooruteqarnerisut aalisartut ilimagireertarsimassagaat.

Illuatungaatigulli ataatsimiititaliap akuersaarpaq, tunisinermi akinik tamanut saqqummiussisarneq iluaqutissartaqarsinnaasoq. Ima paasillugu; tunisinermi portali aalisarnerup paasiuminarnerusumik ingerlanneqarsinnaanerannut ilapittuutaasinnaassasoq, kikkulluunniimmi akit allanngoriartornerannik taamaalillunilu aalisarnermi aningaasarsiormik malinnaanissamut (ataavartumik) periarfissaqalissagamik. Qarasaasiaq atorlugu akitigut takussutissiorneq tamatuma saniatigut sumiiffinni maannakkut unammillerfunngitsuni tunisinermi akiusut qaffariarnissaannut immaqa aamma aqqutissiuusseqataasinnaavoq.

Tamanna piussutigalugu siunnersuut una itigartinneqassasoq ataatsimiititaliap kissaatiginngilaa. Aalisartut tunisinerminnut atatillugu akimik naammaginarnerusut neqeroorfigineqartariaqarnerat ataatsimiititaliap taamaalilluni tunngaviatigut isumaqatigaa,

tunisanullu assigiinnut akinik assigiinngisitsinissaq pisariaqanngitsoq isumaqarfigalugu. Tamatuma anguneqarnissaanut tunisinermi portali iluaqutaasinnaappat, tamanna pillugu ataatsimiititaliaq (tungaviatigut) iluarisimaarinnippoq.

Taamaattorli ataatsimiititaliami amerlanerussuteqartut isumaqarput, taamatut tunisinermi pilersitsinissamut, misissuinissamut, portalip qanoq sunalu aqqufigalugu suliarineqarsinnaaneranut kiisalu akeqarnissaanut Namminersorlutik Oqartussat aalajangiisusariaqanngitsut. Taarsiullugu taamatut suliniuteqarneq inuussutissarsiortunit ingerlanneqartariaqarpoq. Tamatumanittaaq taamatut misissuinissamut aningaasartuutaasussat attuumassutillit aamma pineqarput.

Tamatuma malitsigisaanik ataatsimiititaliap maluginiarpa, siullermeerinermi Naalakkersuisut oqaatigaat, Kalaallit Nunaanni aalisarnermi akitigut aaqquissuussinerit paasiuminarnerulersinniarlugit aaqquissutaasinnaasut assigiinngitsut isummorsorfiginiarlugit inuussutissarsiortut Naalakkersuisunit saaffiginiarneqartut. Ataatsimiititaliaq isumaqarpoq taamatut naaperiaaniarneq pitsaassuusoq, taamaattumillu taamatut siunissaqarneq ataatsimiititaliamit tapersorsornartinneqarpoq, tamannalu tunngavigalugu allannguutissatut siunnersuut una saqqummiutissallugu.

”Tunisinermi qarasaasiakkut portalimik Kalaallit Nunaanni aalisarnikkut tunisinermi akinik katersiffiusussamik ataavartumillu nutarterneqartartumik pilersitsinissamut aalisarnermik inuussutissarsiortunik oqaloqateqarnissamut Naalakkersuisut peqquneqarnissaanik Inatsisartut aalajangiiffigisassaattut siunnersuut. Tamanna pissaaq Kalaallit Nunaanni tunisinermi akisut pillugit ammanerulersitsiniarneq paasiuminarnerulersitsiniarnerlu pilersinniarlugit”

Tassunga atatillugu ataatsimiititaliap naqissusissavaa, allannguutissatut siunnersuutikkut Naalakkersuisut inuussutissarsiortunik oqaloqateqarnissamut peqquneqarnissaat ataatsimiititaliamit taamaallaat kissaatigineqarmat. Ilanngullugu ataatsimiititaliaq kaammattuivoq oqaloqatigiinnerit ingerlanneqarnerat pillugu suullu oqallisigineqarnersut pillugit ataatsimiititaliaq Naalakkersuisunit paasissutissinneqartassasoq, ilanngullugillu oqaloqatigiinnerit kingunerisaannik inerniliinernut tunngasut.

Siunnersuutip aningaasatigut kingunissai

Inatsisartut Suleriaasianni § 33, imm. 1-imi takuneqarsinnaavoq, aalajangiiffigisassatut siunnersuutip piviusunngortinnerani siunnersuutip tunngavilersuutitaani aningaasatigut allaffissornikkullu kingunerisassai allaaserineqarsimassasut. Tamanna naapertorlugu siunnersuuteqartoq taama nassuiaateqarsimavoq.

Siullermeerinermi Naalakkersuisut akissuteqaamminni aningaasatigut allaffissornikkullu kingunissai pillugit siunnersuuteqartup nassuiaatai illuatungilersimavaat. Tassani

Naalackersuisut naliliipput siunnersuut aningaasatigut kinguneqassasoq, tamannalu AC-mik sulisitap ukiup affaani ilivitsumiluunniit sulisinneqarnissaanik naleqassasoq. Tamanna Naalackersuisunit sukumiisumik misissorneqarsimassasoq ataatsimiititaliap tatigaa, tamannalu pissutigalugu annertunerusumik oqaaseqaateqarnissamut ataatsimiititaliaq ingerlaannaq pissutissaqanngilaq.

Ataatsimiititaliap allannguutissatut siunnersuutaata aningaasatigut annertunngitsumik kinguneqarnissaa naatsorsuutigineqarpoq, Naalackersuisummi oqaloqateqarnissamik taamaallaat peqquneqassammata. Akissaajaatit annertussusaannut oqaloqatigiinneq qanoq ittoq Naalackersuisunit ingerlanneqarniarnersoq apeqqutaassaaq, tamannalu Naalackersuisunit nammineq aalajangerneqarpat pitsaanerpaassasoq ataatsimiititaliaq isumaqarpoq.

Ataatsimiititaliap inassutai

Ataatsimiititaliap isumaqatigiittup allannguutissat siunnersuutaa:

”Tunisinermi qarasaasiakkut portalemik Kalaallit Nunaanni aalisarnikkut tunisinermi akinik katersiffiusussamik ataavartumillu nutarterneqartartumik pilersitsinissamut aalisarnermik inuussutissarsiortunik oqaloqateqarnissamut Naalackersuisut peqquneqarnissaanik Inatsisartut aalajangiiffigisassaattut siunnersuut. Tamanna pissaaq Kalaallit Nunaanni tunisinermi akiusut pillugit ammanerulersitsiniarneq paasiuminarnerulersitsiniarnerlu pilersinniarlugit”


Taamatut oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.



Hans Aronsen
Siulittaasoq



Michael Rosing
Siulittaasup tullia



Mala Høy Kúko



Nikkulaat Jeremiassen



Henrik Fleischer



Kelly Berthelsen



Villy Olsvig



Aalisarnermut Piniarnermullu Naalakkersuisoq
Karl-Kristian Kruse
/MAANI

Ulloq: 7. november 2017

J.nr.: 01.36.01.03-00078

Siuneriuinissamut aggersaaneq

Marlunngornermi 7. november 2017 nal. 16.00 Aalisarnermut, Piniarnermut Nunalerinermullu ataatsimiititaliap Aalisarnermut Piniarnermullu Naalakkersuisoq siunersiorneqarnissaanut matumuuna aggersarpaa (Ataatsimiittarfik 1-mut).

Siunersiuinermi siunertaavoq Tunisinermi portalimik pilersitsinissaq pillugu Naalakkersuisut nassuiaammik agguaassinissamik peqquneqarnissaannut Inatsisartut aalajangiiffigisassaattut siunnersuutip (UKA 2017/67-ip) ataatsimut isigalugu isummersorfigineqarsinnaanera pillugu periarfissaqarnissaq.

Tassunga atatillugu Naalakkeruisut ataatsimiititaliamit qinnuigineqarput:

- Siullermeerinermi akissuteqaammut atatillugu Naalakkerxuisut tigussaasumik qanoq malitseqartitsiniarnertik itisilissagaat, akissuteqaammimi allassimammat: *“Naalakkersuisut akerlianik inuussutissarsiortut saaffiginiarpaat kalaallit aalisarneranni akit ilusaanni paasiuminarnerulersitsinissamut aaqqiussutissat pillugit.”*

Ataatsimiititaliami ilaasortat siunersiuinerup nalaani malitseqartitsillutik apeqquteqartarnissaat naatsorsuutigisariaqarpoq.

Apeqqutit siuliani allassimasut pillugit allakkiamik kalaallisut danskisullu ataatsimiititaliap siunersiuinerup kingorna tigusaqarnissani ataatsimiititaliap kissaatigaa. Allakkiaq kingusinnerpaamik ataatsimiititaliap Naalakkersuisumik apersuinerata kinguinngua uunga nassiunneqarnissaa qinnutigineqarpoq: gimsing@ina.gl. Allakkiaq ataatsimiititaliamit siunersiorneqarnissamut nassarneqarpat atorneqarpallu taassuma nuutinnera ataatsimiititaliap Naalakkersuisumik siuneriunerata aallartinnerani ataatsimiititaliap oqalutnaanut tunniuteqquneqarpoq.

Qujareerlunga.

Inussiarnersumik

Hans Aronsen

Ataatsimiititaliami siulittaasoq



Inatsisartut Aalisarnermut, Piniarnermut Nunalerinermullu Ataatsimiititaliaat
-maani

Ilanngussaq
Bilag 2

Ataatsimiititamut siunersiuinermi apeqqutinut akissut.

Dato: 07-11-2017
Sags nr.: 2017 - 22178
Akt. nr.: 6564192

Marlunngornermi novemberip 7-ani 2017 Aalisarnermut Piniarnermullu Naalakkersuisumik Inatsisartut Aalisarnermut Piniarnermut Nunalerinermullu Ataatsimiititaliaat siunersiuinissamik aggersaanermi UKA2017/67-mut Naalakkersuisut akissuteqaatiminni qanoq malitseqartitsiniarnersut apeqquteqarput.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

”Tassunga atatillugu Naalakkeruisut ataatsimiititaliamit qinnuigineqarput:

- Siullermeerinerne akissuteqaammut atatillugu Naalakkerxuisut tigussaasumik qanoq malitseqartitsiniarnertik itisilissagaat, akissuteqaammimi allassimammatt: *“Naalakkersuisut akerlianik inuussutissarsiortut saaffiginiaarpaat kalaallit aalisarneranni akit ilusaanni paasiuminamerulersitsinissamut aqqiussutissat pillugit.”* ”

Akissut:

UKA2017/67 oqaluuserineqarnerata inernera aallaavigalugu Naalakkersuisut iliuuseqassapput. Naalakkersuisullu inassutaat malinneqarluni siunnersuutigineqartoq itigartinneqassappat, inuussutissarsiortut piaartumik aggersarneqassapput, kalaallit aalisarneranni akit ilusaanni paasiuminamerulersitsinissamut sullilernissaq siunertaralugu.

Inussiarnersumik inuulluaqqusillunga
Med venlig hilsen

Karl-Kristian Kruse

Aalisarnermut Piniarnermullu Naalakkersuisoq
Naalakkersuisoq for Fiskeri og Fangst